



220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил 20 Июл

№ 1723 и

Богот шаҳарчаси

Хоразм вилояти ҳокимининг 2020 йил 17 июлдаги “Ўзбекистон Республикаси Вазирлар Маҳкамасининг 2020 йил 16 июлдаги “Электрон ҳукумат тизимини янада ривожлантириш, шунингдек, давлат органлари ва ташкилотларининг ўз фаолияти бўйича жамоатчилик олдида электрон ҳисобот бериши тартибини жорий этиш чора-тадбирлари тўғрисида”ги 444-сонли қарори ҳақида”ги 271қ-сонли қарорининг ижроси ҳақида

Ўзбекистон Республикаси Вазирлар Маҳкамасининг 2020 йил 16 июлдаги 444-сонли ҳамда бу юзадан вилоят ҳокимининг 2020 йил 17 июлдаги 271қ-сонли қарорларининг ижросини таъминлаш мақсадида

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2020 йил 16 июлдаги “Электрон ҳукумат тизимини янада ривожлантириш, шунингдек, давлат органлари ва ташкилотларининг ўз фаолияти бўйича жамоатчилик олдида электрон ҳисобот бериши тартибини жорий этиш чора-тадбирлари тўғрисида”ги 444-сонли ва бу юзадан вилоят ҳокимининг 2020 йил 17 июлдаги 271қ-сонли қарори раҳбарлик ва ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан:

электрон ҳукуматнинг ахборот тизимлари ва ресурслари ягона реестрини шакллантириш ва юритиш тартиби тўғрисидаги низом 1-иловага;

электрон ҳукуматнинг маълумотномалар ва классификаторлар регистрини шакллантириш ва юритиш ҳамда ягона идентификаторлардан фойдаланиш тартиби тўғрисидаги низом 2-иловага;

“Маълумотларни бошқариш” ахборот тизими орқали давлат органлари ва ташкилотлари маълумотларини йиғиш, қайта ишлаш ва таҳлил қилиш тартиби тўғрисидаги низом 3-иловага;

электрон ҳукуматнинг идоралараро ахборот тизимларини ишлаб чиқиш ва жорий этиш бўйича “Йўл харитаси” 4-иловага;

давлат органлари ва ташкилотларининг ўз фаолияти бўйича жамоатчилик олдида электрон ҳисобот бериши тартиби тўғрисидаги низом 5-иловага мувофиқ тасдиқланганлиги маълумот ва ижро учун қабул қилинсин.

3. Белгилансинки:

ягона реестрга туман ташкилотлари, туман ҳокимлиги ҳамда устав капиталида 50 фоиз ва ундан ортиқ давлат улуши бўлган хўжалик бирлашмалари (кейинги ўринларда-давлат органлари ва ташкилотлари)нинг ахборот тизимлари ва ахборот ресурслари (кейинги ўринларда — ахборот тизимлари) киритилади;

давлат органлари ва ташкилотларига ягона реестрга киритилган ахборот тизимларининг функционал вазифаларини такрорлайдиган ахборот тизимларини ишлаб чиқариш ва фойдаланиш тақиқланади. Бунда, ягона реестрга киритилган ахборот тизимига нисбатан тезкор, қулай, самарали, камхарж ва хавфсиз фойдаланиш имконини берадиган бошқа ахборот тизимларини ишлаб чиқиш ва фойдаланишга, истисно тариқасида, фақат рақамли иқтисодиёт ва электрон ҳукумат соҳасидаги ваколатли органнинг ҳулосасига мувофиқ рухсат берилиши мумкин;

давлат органлари ва ташкилотлари идоралараро электрон ҳамкорлик қилишда электрон ҳукуматнинг маълумотномалари, классификаторлари ва ягона идентификаторларидан фойдаланишга мажбурдирлар.

4.2020 йил 1 сентябрдан бошлаб, давлат бошқаруви органлари, уларнинг ҳудудий бўлинмалари, шунингдек, туман ҳокимлиги томонидан ўз фаолияти бўйича жамоатчилик олдида электрон ҳисобот бериш тартиби жорий этилади;

мазкур тартиб ушбу банднинг биринчи хатбошисида назарда тутилмаган давлат органлари ва ташкилотлари учун тавсиявий тусга эга ҳисобланади.

5.Вилоят ҳокимининг мазкур қарори билан:

Ўзбекистон Республикаси Ахборот технологиялари ва коммуникацияларини ривожлантириш вазирлиги Хоразм вилояти ҳудудий бошқармаси (З.Каримов)га вилоят ҳокимлиги ҳузуридаги “Ахборот- коммуникация технологияларини ривожлантириш маркази” давлат унитар корхонаси (А.Атабаев), вилоят бошқармалари ва идоралари, шаҳарлар ва туманлар ҳокимликлари билан биргаликда:

а) 2020 йил 1 августга қадар ягона реестрда ахборот тизимларини рўйхатдан ўтказиш ва маълумотларни киритишга масъул бўлган шахсни белгиласинлар ҳамда масъул шахс тўғрисидаги маълумотларни Ўзбекистон Республикаси Ахборот технологиялари ва коммуникацияларини ривожлантириш вазирлигига киритсин;

“Электрон ҳукуматнинг маълумотномалар ва классификаторлар регистри” ахборот тизими билан интеграция қилинишини инобатга олган ҳолда ўзларининг ахборот тизимларини такомиллаштириш бўйича ташкилий ва техник чораларни кўрсин;

амалдаги ахборот тизимларини рўйхатдан ўтказиш ва улар бўйича маълумотлар доимий янгилаб турилишини инобатга олган ҳолда уларни ягона реестрга киритсин;

“Электрон ҳукуматнинг маълумотномалар ва классификаторлар регистри” ахборот тизимини шакллантириш доирасидаги хабарлар ва маълумотларнинг доимий долзарблигини таъминлаши;

Ўзбекистон Республикаси Ахборотлаштириш ва телекоммуникациялар соҳасида назорат бўйича давлат инспекцияси вилоят бўлинмаси (З.Ражабов)

давлат органлари ва ташкилотларининг барча ахборот тизимлари ягона реестрга киритилишининг мунтазам равишда мониторингини олиб бориши маълумот ва ижро учун қабул қилинсин.

6.Мазкур қарорнинг ижросини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари С.Қурбонов зиммасига юклансин.

Боғот тумани ҳокими



О.Холбоев

